

ACD Val Badia - SSV Mühlwald

Inviato da Jonas
Ultimo aggiornamento lunedì 08 agosto 2022

Domënia, 03. aurì 2022

N resultat nia dl döt iüst

Te n domisdé frëit cun la nëi che toma dal cil, él gnü soghé la partida de campionat danter l' ACD Val Badia y l' SSV Mühlwald sön l' ciamp dal palé da La Ila.

Sön l' ciamp dal palé da La Ila, sot an tēmp invernäl, él gnü soghé dales 16:00 la partida de 2^a categoria danter l' ACD Val Badia y l' SSV Mühlwald. Na partida combatüda cina al ultim menüt da trames les perts, mo ala fin él i todësc che á albü la miú.

La partida mēt man cun la Val Badia che se porta atira söl 1-0 al 7^a: dô n cross ladin él l' palé che resta n mumēt t area y insciö él Ploner A. che approfiteia y mēt l' palé te porta. Mo al 15^a él i ghes che se porta indô söl pêr: do na trata dal ciantun él na gran confujiun t area y la squadra todëscia ti è da trá l' palé t porta por l' 1-1. Mo apēna n menüt dedô, al 16^a, él la Val Badia che se porta indô inant cun le resultat. Pizzinini, dô avēi ciafe na bela passada da Ploner A., pēia ia sú cuntra porta y resta frëit dan l' portier por realisé l' gol dl' 2-1. L' ACD Val Badia è indô dant. Mo l' vantaje dōra ma 10 menüc. Al 26^a él l' arbiter che sciüra cuntra i ladins y l' Mühlwald ciafa na trata de puniziun: la trata vá sura la bariera fora y vá te porta por l' gol dl' 2-2. Do 26 menüc él bel gnü fat 4 goi. Al 30^a él indô i todësc che rôva dan porta y prô la trata, mo l' palé vëgn tigni sô. I todësc pro spo ciamó da mēte l' palé te porta cun na rebatüda mo l' palé vá sura fora. Do chēsta aziun ne suzedl nia plü tröp y al 46^a, do un n menüt de recuper, él l' arbiter che sciüra la fin dl' pröm tēmp. N pröm tēmp plëgn d' emeziuns da trames les perts.

L' secundo tēmp mēt man cun na ocasiun por i ladins: Kastlunger pēia ia dal zēnter dl' ciamp, dribla dui defensurs y lascia pié ia na bela trata che vëgn parada dal' portier aversar. Al 67^a él indô i aversars che se porta inant cun l' resultat sön l' 2-3. Dô na repartēnza de velocitè él l' atacant aversar che rôva sú dan Erlacher y tira l' palé te porta. L' ACD Val Badia mēss sēgn ti salté dô al pêr. Al 75^a él indô na ocasiun por l' Mühlwald: dô na trata dal ciantun él n sogadú todësch che prô la trata de cé mo l' palé vá sura porta fora. Al 77^a él Erlacher che á l' palé danter i pisc y ô l' passé an só defensur, mo l' atacant è plü asvelt è abina l' palé. Do da chēsc prôl la trata te porta mo Erlacher, cun n grandiscimo intervēt, salva la porta ladina dal 2-4. N menüt dedô, al 78^a, él danü l' Mühlwald che á na poscibilitè da fá gol: sön na trata dal ciantun él n sogadú che prô da fa gol de cé, mo n defensur ladin deviēia l' palé sura porta fora. Al 88^a él spo l' ultima ocasiun dla partida y ara è por i ladins. Ploner A. ciafa l' palé al limit dl' area y lascia pié ia na gran trata che vá de dër püch sura porta fora. Al 94^a, do 4 menüc de recuper, él l' arbiter che sciüra la fin dla partida cun na davagnada nia meritada da pert dl' Mühlwald. L' ACD Val Badia á metü ite tröp impëgn y dediziun.

ACD Val Badia - SSV Mühlwald: 2 - 3

Formaziun ACD Val Badia: 1. Erlacher Giovanni (dal 86^a 12. Frenademetz Denis), 2. Ploner Matteo, 3. Kastlunger Mattia (dal 86^a 16. Mersa Elia), 4. Mayr Marc (dal 70^a 18. Dallapiazza Simone), 5. Fersuocho Kevin, 6. Barbolini Florian, 7. Ploner Alexander, 8. Stampfer Alex (dal 70^a 14. Conrater Heinrich), 9. Pizzinini Luca, 10. Del Negro Roberto, 11. Denicolo Davide (dal 90^a 17. Granruaz Cristian).

Alenadú: Crepez Gianni.

Proscima partida: La proscima partida vëgn sogada proscima sabeda, ai 9 de aurí, dales 16:00 cuntra l' Sexten sön l' ciamp dal palé da Sexten.